

沈達夫 著

風人詩



風人詩



湖上泛舟

二〇〇一

一舟湖上盪清風。山外青山面面逢。搖指斷橋殘雪處。依依柳色暮烟中。

鸛山弔故

曲徑通幽歷屨顏。最高樓上坐鸛山。接天一筆藍藍水。点点還揮水上帆。
一代才人兩巨松。八年劫盡血猶紅。鸛山老屋遺書在。今日我來弔舊踪。

吳山懷古

一江潮帶千峯雨。四望城含萬井烟。懷古來登樓百尺。依稀似見宋官園。

過滿覺隴

湖上桂花滿隴黃。素娥不嫁為誰妝。依稀香自九天降。彈壓西風擅衆芳。

花港行吟

花港尋徑訪魚泉。不意桂花香滿園。更喜樓前蘭兩樹。風霜九十與同年。

湖邊閒坐

西子湖邊坐柳陰。湖山湖水是知音。看人一葉凌波去。也覺身如天上經。

與蘭芬伉儷遊老龍井

深山老井有龍潛。嫩葉新茶古水煎。設酒殺雞忙作食。田家日日似過年。

蕭山小吃

長虹飛轂過錢塘。燈火星星到柳莊。爭說家鄉風味好。肉燒乾菜霉千張。

桂園茶叙并餞別山外山酒樓

相對無言意自閒。一杯茶在桂香間。從今欲別君休問。更盡一杯山外山。
金風玉樹萬人家。合把杭城號桂花。明歲重來湖上聚。滿園香裡一杯茶。

唁張學良

生前功罪論難中。身後哀榮兩岸同。一世為人惟率直。用情獨對四娘鍾。

寄陳家樹

百二老翁何處行。朝朝暮暮待來音。飄然一杖金山去。天半長松依舊青。
飲啄能朝此老看。人生百歲未為貪。從今日日詩三首。萬首猶堪匹劍南。

移民

黃金美夢恐難成。舉首天堂草木兵。今日神州稱盛世。如何还想作移民。
恐怖

閒居深局亦常平。不見客踪聞轂聲。誰道郵傳成恐怖。一箋白粉萬家驚。
閒行

已鄰十月陽春小。落葉紛紛始感秋。衣角風吹涼正好。閒行何必犬為俦。
人己

既以為人已愈有。既以與人已愈多。堪笑人惟知自積。黃金滅頂復餘何。
偶咏

頭盈白雪意猶春。紅葉如花照眼新。舉盞從無人可共。吟詩自有鳥相膺。
忽已

忽已行年九十。一天過又一年催。茫茫事往隨天遠。習習風吹欲夢回。
俱泯哀歡心自在。盡忘空色眼還開。柴門終日非難閉。俗客如今亦不來。

蟲

笑談对面森戈鋌。擾擾人生名利牽。飲啄之餘何所使。世間惟有虫能天。

題梅

日日逡巡知幾回。為看竹外一枝梅。朔風不用橫吹得。正要衝寒冒雪開。吹盡寒雲放夕陽。倚樓心事碧天長。多情老我難忘物。目斷伊人水一方。

閒門

閒門自在不須关。院落秋明日日長。此際自應還往絕。飽嬉聊復步斜阳。

驚秋

好花欣見滿枝頭。日日公園作步遊。只道霜風吹不到。滿林紅葉忽驚秋。

金色

風風雨雨豈無期。莫道花飛空折枝。金色長藏諸色後。看他破繭而來時。

阿富汗

兵烽除惡何能盡。無辜小民誠可哀。天上有神神不顧。堪憑祈禱挽天回。

赴約

看來難禁明朝雨。今日許還熬得牢。側帽衝風吾自去。要看樹老在茶寮。

九一一

一從恐怖破天羅。尿布纏頭即是魔。偏偏不向人家去。曾不自疑為什麼。

讀史

屠城哀寇患。誅族感皇恩。民命抑何苦。長為刀下魂。

反恐

全憑反恐作優先。民主自由且靠邊。從此若朝他國去。更將何語責人權。

有感

一路柳陰花更明。忽然石破復天驚。大來大往真如戲。只恐旁觀亦不清。

臺灣即事

光牒暴露名女体。習俗之惡出愈奇。假汝自由犯自由。人間何事不能為。

觀康熙王朝影劇

我觀康熙朝。哭笑俱不得。寧無父子情。竟然殘骨肉。容妃所最愛。不

惜打入獄。只緣承大位。欲垂千秋業。其心百創痛。其行一獸狘。形銷神已瘁。巍巍坐朝日。萬歲呼聲中。黯然停呼吸。遽爾劇告終。吾心重沈石。

過年

二〇〇二

爆竹欲喧天。双扉閉尚堅。早為群父父。又過一年年。牘作青春夢。更無白髮添。举杯非為醉。聊以聳吟肩。

海上

海色茫茫夜欲來。軟沙十里好徘徊。樓台山半燈明滅。帆影波間鷗共陪。如此人生何地得。直疑圖畫自天開。不愁吟罷無題處。付與沙潮相往回。

小樓

夏林莊上小樓中。中有一燈坐一翁。一卷新詩千古意。同聲應有隔窗風。

容膝

容膝何嫌室似蝸。駸駸又見一年過。百千萬變青燈在。開卷正堪度有涯。

巷居

樂其不改巷中居。容易一年歲又除。窗外雨聲猶未止。枝頭花影已無餘。
相看微笑床頭偶。長日相陪案上書。莫道春來無客至。清風時復顧吾廬。
床前置有

洋囡囡

烟雨

遙雲靄靄幻群嵐。疏樹淒淒水半含。車泊如舟傍巷道。濛濛烟雨憶江南。

出門

休道出門是禍胎。却朝四壁苦徘徊。生生不息千鈞力。都自乘風破浪來。

自沙城飛洛郡

電掣雷噴翼自張。升天縮地亦平凡。巫雲千里白堆雪。羲日一輪紅到窗。
杯水盈盈清有味。螢光燿燿艷無雙。忽從假寐回眸處。不復沙城是洛山。

轉飛檀香山

三年又到火奴奴。碧海華樓似舊無。老我還懷登涉樂。山為鑽石島珊瑚。
華礧礧客居遇雨

襟海帶河第九樓。朝來一笑夜生愁。破雲日欲窺窗口。捲地風還撼枕頭。
雨中倚枕

是虹是霞是雲山。不是詩中即夢間。我自卧看牆上画。不知何處是青丹。
觀影

回頭驚始遇。一笑黯千星。此情堪萬古。何待海山盟。

車遊迷你海

一車繞海復盤山。歷歷風光指顧間。偶駐懸崖爭俯首。萬樓千宇小於盤。
冲天峯見乳双尖。雲吐乳前似炊烟。車過歎然一瞥眼。蒼林夾道斷還連。

衝浪吟

一舟化浪浪化舟。人似魚龍下上游。碧海青天如此美。世間何處可生愁。

阿華拉河畔晨步

夾河花木綠青黃。紅日瞳瞳在上方。一徑緣河如矢直。行行坐坐更何妨。

海濱偶思

走過從前多少年。依然碧海與青天。為看落日掛帆去。曾訪名山飛轂旋。

夏威夷動物園小憩

墜枝成樹樹還枝。代代同林樂螽斯。我在兩家林裡坐。翠陰如帳四圍垂。

屠浮海灘

枝葉莖根縮作拳。兩拳間有桌凳圓。閒坐看山復看海。走棋品茗亦隨緣。

灘上黃昏

山色朦朧遠。海光在客衣。沙頭行踽踽。明月送人歸。

歸廬

一車繞市又穿林。山有華樓海有亭。遊罷歸來人亦倦。倚窗閒看滿街燈。

別夏威夷

揮巾再見夏威夷。半月流光一瞥移。看罷海波看雲浪。遊車纔舍又歸機。

飛返茶城

盈盈橘水落花生。容易消磨半日程。一望無邊灯如海。飄然身又到茶城。

即事

人權虚說為邦本。法亦隨人易墨朱。膚色而今竟成罪。縱然非白也期無。

蘭舟

蘭舟作屋水為鄉。碧浪茫茫山更長。萬里平湖秋色冷。此情谁会倚斜陽。

人生

人生自是須行樂。却為利名不得閒。長日忙忙樂亦老。山靈無語也應嘆。

天地

天地悠悠我独經。山山水水是知心。寒冬已至春非遠。遙夜將殘鳥有音。哀樂無关澹吾慮。笑顰寧必稱人心。世間何事堪懸望。却是身閒累苦吟。

交遊

交遊四海白頭多。容膝久安室似蝸。時有雲書勞遠問。幸無世事欲相磨。

忽思

輸却孤雲一片閒。匆匆涉水又登山。忽思五十年前事。只似今朝昨日間。

洋囡囡

久立案頭年復年。不聲不響向人看。不知所想為何事。兩目深深似有言。

人間

那得西方極樂園。死生离合總由天。有情天亦恐將老。何處人間不淚懸。

月梅病中寄長謠抒懷賦答

鶯亦能歌虎亦嘯。心聲何必計詩謠。苦甘哀樂緣還孽。弱水三千取一瓢。

流星

階下低徊句未成。天邊冉冉月西傾。茫然四顧無人影。一矢流星似有声。

春感

紛紛塵事不堪題。橐筆天涯歲又移。雨後池塘芳草綠。春來園樹變禽啼。人間文字多為累。世上声名不厭低。倘有遠人書雁至。雲間悵望眼離迷。

題壁

滔滔天下久低徊。且置越秦近酒杯。風景情怀隨處合。一山分影入樓來。

針灸

忽然忘我又回來。針尚未除燈尚開。無藥方知即真藥。人生此是妙高台。

耶路撒冷

十分淒苦十分美。千古聖城連火兵。牆裡鐘聲牆外哭。人間天上難為神。

閒行

不知秋瑟抑春妍。枯葉鮮花共一天。獨往獨來還自得。何須悟道與參禪。

練功

不問香功與氣功。自由鍛練樂其中。功夫若使成迷信。便似天空鳥入籠。

春游遇櫻花

依稀身入畫圖中。爛漫櫻花萬樹紅。何必飛身三島去。此間已覺是瀛蓬。

國珍母女寓寧波每年于元宵電候

隔海鈴聲破夢遙。始知今日是元宵。安能更夢寧波去。花市花燈共爾曹。

地球

萬斗千星共大羅。地球難道是孤兒。孤兒未必非爲幸。兄弟闖牆自古多。

偶檢少作窗前扉頁自題小詩轉錄於此

生小從來識怨恩。分明笑語雜啼痕。窗前一卷窗前讀。自愛兒時夢有痕。

樂透

三島蓬萊那有仙。群魔上下舞蹁躚。誰知民不聊生日。一片瘋狂樂透天。

看天

不悲不喜獨看天。如此人生亦自然。一片閑雲如有意。欲行還止又朝前。

雨後

掃空一陣雨風過。又見晴天美日和。負手閑閑籬畔過。玫瑰數朵正開葩。

電話

聲聲跨海復過關。電在手中未等閑。除却平安何所問。幾時握手在家山。

史

天堂總望有真神。世上何時不殺人。今古茫茫史滿架。幾多血淚始堆成。

老樹

一樹門前朝暮親。有如老友亦家人。春來未見青青萼。不覺黯然爲愴神。忽瞻點點碧如簪。一笑欣然樂到心。入夏無須愁烈日。撐空如傘好乘陰。

懺悔

恩如山。罪如海。一心朝山恩難計。積淚成海罪應洗。

報載惡犬戕人其主坐罪八年

家家養犬習何深。路上閑行輒見侵。惡犬戕人主坐罪。寧知爲憫抑爲憎。

重過落日路噴水池園有感

惆悵重來舊游地。一花一草有遺痕。風光却被官家占。空憶冲天池水噴。

與趙佛重海外重逢賦贈

湖海相忘數十年。重逢異國豈前緣。希夷墨寶應猶在。奇逸開張憶巨聯。

佛重爲趙恒惕公子曾藏

有陳希夷巨聯墨蹟

題陳希夷巨聯

仙蹟俯羲獻。高風仰華嵩。開張天岸馬。奇逸人中龍。

月下

夕陽才去月來時。月轉樓陰倒入池。我自偶從花底過。徘徊最在半開枝。

鳳凰城小住

兩年又到鳳凰城。花木欣欣夾道迎。千宇萬樓白如玉。一車載我坐還行。碧樹陰陰碧草新。碧天如水路無塵。如斯清善如斯美。欣得人間一片真。又過雙雙噴水池。丹青夾水艷如斯。新增一路公車綫。尋勝觀光不待時。

老城噴水池

黃沙漠漠樹林林。山外有山不見青。過得橋來還是路。詩情一一落吾心。池噴如瀑瀑如梭。幾見噴池如此多。我在萬花叢裏立。百年池上見天鵝。